

主

客

圖

主客圖

唐 袁州

廣大教化主

白居易

含沙射人影雖病人不知巧言誣人罪至死人
不疑掇蠱殺愛子掩鼻戮寵姬宏恭陷蕭望趙
高謀李斯陰德旣必報陽禍豈虛施人事雖可
罔天道終難欺明卽有刑辟幽卽有神祇苟免
勿私喜鬼得而誅之

厚地植桑麻所要濟生民生民理布帛所求活

一身身外充征賦，上以奉君親，國家定兩稅。本
意在憂人厥初，防其淫明勅。內外臣稅外，加一
物皆以枉法論。奈何歲月久，貪吏得因循。役我
以求寵，斂索無冬春。織絹未盈疋，繰絲未盈斤。
里胥迫我納，不許暫逡巡。歲暮天地閉，陰風生
破村。夜深燈火盡，霰雪白紛紛。幼者形不蔽，老
者體無溫。悲喘與寒氣，併入鼻頭辛。昨日輸殘
稅，因窺官庫門。繒帛如山積，絲絮如雲屯。號爲
羨餘物，隨日獻至尊。奪我身上暖，買爾眼前恩。
進入瓊林庫，歲久化爲塵。

豫章生深山七年而後知挺高二百尺本末皆
十圍天子建明堂此材獨中規匠人執斤墨采
度將有期孟冬草木枯烈火燎于陂狂風吹猛
焰從根燒到枝作養二十年方成棟梁資一朝
爲灰燼柯葉無孑遺地雖生爾材天不與爾時
不如糞土芝猶有人掇之已矣勿重陳重陳令
人悲勿悲焚燒苦但悲采用遲

赫赫京內史奕奕中書郎昨傳徵拜日恩私顧
殊常貂冠水蒼玉紫綬黃金章佩服身未暖已
聞竄炎荒親戚不得別吞聲泣路旁賓客亦已

散門前雀羅張富貴來未久倏如瓦溝霜權勢
去尤速譬若石火光不如守貧賤貧賤可久長
傳語宦遊子且來歸故鄉
得意減別恨半酣還遠程

人吏留不得直入故山雲

長生不似無生理休向青山學鍊丹

白髮鑷不盡根在愁腸中

峨嵋山勢接雲霓欲逐劉郎此路迷若似剡中
容易到春風猶隔武陵溪

上入室一人

楊乘

豎子未鼎烹大君尙盱食風雷隨出師雲霞有
戰色犒功椎萬牛募勇懸千帛武士日曳柴飛
將競執馘喜氣迎捷書懽聲送羽檄天兵日雄
強桀犬稍離析賊臂旣已斷賊喉旣已搯樂禍
但鯨鯢同惡爲肘腋小大勢難倖逆順初不敵
違命固天亡恃險乖長策蠱毒久萌芽狼顧非
日夕禮貌忽驕狂疏奏遂指斥動衆豈佳兵含
忍恐無益鴻恩旣已孤小效不足惜腐儒一鉛
刀投筆時感激帝闈不敢干戚戚坐長晝

入室三人

張祐

萬國見清道一身成白頭

此地榮辱盛豈宜山中人

葛溪謾淬張家劍却是猿聲斷客腸

書空疑未決卓地計初成

春申還有三千客寂寞無人報李園

羊士諤

風泉留古溜笙磬想遺音

桂朽有遺馥鸞飛安可待

塵沙藹如霧長波驚鷗度雁起汀洲寒馬嘶高
城暮銀釭倦秋館綺瑟瞻永路重有携手期清
光倚玉樹

元稹

屈指貞元舊朝士幾人同見太平春

兒歌楊柳葉妾拂石榴花

遠路事無限相逢惟一言月色照榮辱長安千
萬門

升堂三人

盧仝

句闕

顧況

汀洲渺渺江蘼短疑是疑非兩斷腸

巫峽朝雲暮不歸洞庭春水晴空蒲

頽垣化爲波陸地堪乘舟

大姑山盡小姑出月照洞庭行客船

沈亞之

句闕

及門十人

費冠卿

句闕

皇甫松

燕相謀在茲積金黃巍巍上者欲何顏使我千載悲

勸僧一杯酒共看青青山酣然萬象滅不動心卽閑

般堯藩

吳宮愛歌舞夜夜醉嬋娟見日吹紅燭和塵掃翠鈿徒令句踐霸不信子胥賢若問長洲草荒涼無限年

宮女三千去不回
眞珠翠羽是塵埃
夫差舊國久破碎
紅燕自歸花自開

暮烟葵葉屋
秋月竹枝歌

欲射狼星把弓箭
休將螢火讀詩書

施肩吾

年來如拋梭
不老應不得

憶昔將貢年
抱愁此江邊
魚龍互閃爍
白浪高于天
今日步青草
還來經此道
江神也世情
爲我風色好

周光範

誰云嵩上烟隨雲倚碧落

莫怪西陵風景別鏡湖花草爲先春

祝天膺

句曲舊真宅自產日月英旣涵岳瀆氣安無神
仙名松桂邈迤色與君相送情

兩領凝清霜玉鑪焚天香爲我延歲華得入不
死鄉

蟾蜍夜作青冥鏡蟬螻晴爲碧落梯好箇分明
天上路誰教移入武陵谿
霧紋斑似豹水力健如龍

徐凝

青山舊路在白首醉還鄉

試到第三橋便入千頭花

高景爭來草木頭
一生心事酒前休
山公自是山人侶
携手醉登城上樓

朱可名

廢斲鏡湖田上書
紫閣前愁人久委地
詩道未聞天不是
燒金手徒拋釣月船
多慙兄弟意不敢問林泉

陳標

杜甫在時貪入蜀孟郊生處却歸秦如今始會
麻姑意借問山川與後人

童翰卿

大樸逐物盡哀哉天地功爭得榮辱心洒然歸
西風

高古與逸主

孟雲卿

羣物歸大化六龍頽西荒
安知浮雲外日月不運行

孤兒去慈親孤客喪主人莫吟辛苦曲此曲誰

忍聞可闕不可說去去無期別行人念前程不
待參辰沒朝亦常苦饑暮亦常苦饑飄飄萬里
餘貧賤多是非少年莫遠行遠行多不歸

上入室一人

韋應物

欲持一瓢酒遠寄風雨夕

萬籟自生聽大空長寂寥還從靜中起却向靜
中銷

山深松子落幽人應未眠

舟泊南池雨簾捲北樓風

入室六人

李賀

飛香芝紅滿天春

酒酣喝月使倒行

蹋天磨刀割紫雲

杜牧

烟着樹姿嬌雨餘山態活

四海一家無一事將軍携劍泣霜毫

山密斜陽多人稀芳草遠

仙掌月明孤影過長門燈暗幾聲來

李餘

長安東門別立馬生白髮
霽後軒蓋繁南山瑞烟發
嘗憂車馬煩土薄聞水聲

劉猛

月生十五前日望光采圓月滿十五後日畏光
采瘦不見夜光色一尊成暗酒匣中苔背銅光
短不照空不惜補明月慙無此良工

自念數年間兩手中藏鈎於心且無恨他日爲
我羞古老傳童歌連淫亦兵象夜夢戈甲鳴苦

不願年長

朝梳一把白
夜淚千滴雨
可耻垂拱時
老作在家女

李涉

但將鐘鼓悅私愛
肯以犬羊爲國羞

尼父未適魯
屢屢倦迷津
徒懷教化心
紆鬱不能伸
一遇知己言
萬方始喧喧
至今百王則孰
不挹其源

胡幽貞

一朝入紫宮
萬古遺芳塵
至今溪邊花
不敢嬌

青春

海色連四明仙舟去容易天籍豈輒問不是卑

朝士

升堂六人

李觀

句闕

賈馳

河上微風來關頭樹初溼今朝關城吏又見孤
客入上國誰與期西來徒自急

東風吹曉霜雪鳥雙雙來

李宣古

冉冉池上烟盈盈池上柳生貴非道傍不斷行
人手

翠蓋不西來池上天池歇

曹鄴

欺暗常不然欺明當自戮難將一人手掩得天
下目

岐路不在天十年行不至一旦公道開青雲在
平地枕上數聲鼓衡門已如市白日探得珠不
待驪龍睡忽忽出九衢童僕顏色異故衣未及

換尙有去年淚晴陽照花影落絮浮野翠對酒
時忽驚猶疑夢中事自憐孤飛鳥得接鸞鳳翅
永懷共濟心莫起胡越意

劉駕

馬上續殘夢馬嘶時復驚心孤多所虞僮僕近
我行

只恐塞上山低于沙中骨

蒲帆出蒲去但見蒲邊樹不如馬上郎馬跡猶
在路大舟不相載買宅令妾住莫道留金多本
非愛郎富

孟遲

紅映樓臺綠繞城
城邊春草傍牆生
隋家不向此中盡
汴水應無東去聲

天地有時饒一擲
江山無主合平分

冷月微烟渭上愁
華清宮樹不勝秋
霓裳一曲千門鎖
白盡梨園弟子頭

及門二人

陳潤

丈夫不感恩
感恩甯有淚
心頭感恩血
一滴染天地

韋楚老

一從黃帝葬橋山碧落千門鎖元氣

清奇雅正主

李益

閒庭草色能留馬當路楊花不避人

笳簫漢思繁旌旗邊色故

馬汗凍成霜

上入室一人

蘇郁

十二樓藏玉堞中鳳皇雙宿碧芙蓉流霞淺酌

誰同醉今夜笙歌第幾重
吟倚雨殘樹月收山下村

入室十人

劉敞

末秋雲木輕蓮折晚香清
雨下侵苔色雲涼出浪聲
疊帆依岸盡微照夾堤明
渡吏已頭白遙知客姓名

殘陽來霽岫獨興起滄州

僧清塞

兩鬢已垂白五湖歸釣魚

夜濤驚柵鎖寒葦露船燈
谷水生茶味林風滅扇聲

磬徹遠巢禽

伊流背行客岳響答清猿

盧休

春寒酒力遲冉冉生微紅

自然草木性誰祝元化功

湓浦風生破膽愁

血染劍花明帳幕三千車馬出漁陽

入門堪笑復堪憐三徑苔荒一釣船

于鵠

送死多于生幾人得終老

楊洵美

暮鴉不噪禁城樹衙鼓未殘賓衛秋

三山載羣仙峨峨鹹浪中雲衣剪不得此路要
可從我生亦何事出門如飛蓬白日又黃昏所
悲瑤草空蟲聲故鄉夢枕上禾黍風吾道如未
喪天運何時遯

張籍

蕃漢斷消息死生長別離

長干送人處憶得別家時

流光暫出還入地使我年少不須臾

採樵莫採松與栢松栢生枝堅且直與爾作屋
成家宅

楊巨源

何事慰朝夕不踰詩酒情山河空道路蕃漢共
刀兵禮樂新朝市園林舊弟兄向風一點淚塞
晚暮江平

楊敬之

霜樹烏栖夜空街雀報明

碧山相倚暮歸雁一行斜

僧無可

白閣未歸日青門又值春

半天傾瀑溜數郡見廬峰

姚合

移花兼蝶至買石得雲饒

挿劍龍纏臂開旗火滿身

家中去城遠日月在船多

身慙山友棄膽賴酒盃扶

升堂七人

方干

山木又搖落望君還不還
軒車何處去雨雪滿前山
思苦寒星動鄉搖釣渚間
明年見名字惟我獨何顏

細泉出石飛難盡孤燭和雲溼
不明何事懶于嵇叔夜更無書札
荅公卿

枯井夜聞鄰果落廢巢寒見別禽來

馬戴

露氣寒光盡微陽下楚邱
猿啼洞庭樹人在木

蘭舟

夜久遊子息明月岐路閉
却憶軒羲日無人尙戰功

任蕃

無語與春別細看枝上紅

賈島

夜半長安雨燈前越客吟

島嶼夏雲起汀洲芳草深

秋風吹渭水落葉滿長安

山鐘夜渡空江水汀月寒生古石樓

舊國別多日故人無少年

厲元

邊草早不春，劍光增野塵。
戰場收驥尾，清瀚怯龍鱗。
帆色起歸越，松聲厭避秦。
幾時逢范蠡，處處是通津。

項斯

佳人背江坐，眉際列烟樹。
馬蹄沒青莎，船迹成空波。
春風吹雨意，何處更相值。
燭殘催卷席，坐冷怕梳頭。
寒入雁聲長。

薛壽

句闕

及門八人

僧良乂

風泉只向夢中聞
身外無餘可寄君
當戶一輪惟曉月
挂簷數片是秋雲

潘誠

棧踏猿聲暮江看
劍影秋僧老白雲
上磬寒高鳥邊
心已同猿狖不聞
人是非

三更獨立看花月只欠子規啼一聲

行人渡流水白馬入前山

秋深雪滿黃雲塞夜夜鴻聲入漢陽

于武陵

白日不西落紅塵應亦深

青山如有利白石亦成塵

四海少平路千川無定波

詹雄

塵飛遺恨盡花落古宮平

紅粉笙歌人代遠月明陵樹水流東

衛準

莫言閑話是閑話
往往事從閑話來
何必剃頭爲弟子
無家便是出家人
僧志定

惟有尊前今夜月
當時曾照墮樓人
梧桐葉落蟬聲死
一夜洞庭波上風

喻鳧

顏凋明鏡覺思苦
白雲知滄洲
遠釣隱紫閣
負僧期
酬難塵髻皓
坐久壁燈青

滄洲未歸迹華髮受恩心

朱慶餘

滿酌勸童僕好隨郎馬蹄春風慎行李莫上白
銅鞮

古巷戟門誰舊宅早曾聞說屬官家更無新燕
來巢屋惟有閒人去看花空廡欲摧塵滿櫺小
池初涸草侵沙繁華事歇皆如此立馬踟躕到

日斜

清奇僻苦主

孟郊

青山礙爲塵白日無聞人
食齋腸亦苦強歌聲無歡
欲知萬里情曉卧半牀月

上入室二人

陳陶

蟬聲將月短草色與秋長
比屋歌黃竹何人撼白榆

周朴

古陵寒雨絕高鳥夕陽明
高情千里外長嘯一聲初

主客圖

六

及門二人

劉得仁

吟苦曉燈暗露染秋草疎舊山多夢到流水送
愁餘

風定一池星

李溟

喬木挂斗色水驛壞門開向月片帆去背雲行
雁來晚年名利跡甯免路岐哀前計不能息若
爲元鬢回

博解宏拔主

鮑溶

躍馬非壯歲報恩無高功斯言化爲火日夜焚
深衷

天王委管籥開閉奏此門頂戴日月光口宣雨
露言

萬里秋雲多一身天地窄

上入室一人

李羣玉

句闕

入室二人

司馬退之

句闕

張爲

句闕

瓌奇美麗主

武元衡

句闕

上入室一人

劉禹錫

故國思如此若爲天外心

湖上收宿雨

故人日已遠窗下塵滿琴坐對一壺酒恨多無力
斟幕疎螢色迥露重月華深萬境與羣籟此時
情豈任

禪思何妨在玉琴真僧不見聽時心秋堂境寂
夜方牛雲去蒼梧湘水深

入室三人

趙嘏

一千里色中秋月十萬軍聲半夜潮
梁王舊館已秋色珠履少年輕繡衣

滿樓春色傍人醉
半夜雨聲前計非
三千宮女自塗地
十萬人家如洞天

長孫佐輔

愁臉無紅衣滿塵
萬家門戶不容身
曾將一笑君前去
謾殺幾多回顧人

曹唐

簫聲欲盡月色苦
依舊漢家宮樹秋
看却龍髯攀不得
九霞零落鼎湖宮
一曲哀歌茂陵道
漢家天子葬秋風
誰知漢武無仙骨
滿竈黃金成白烟

升堂四人

盧蘋

春淚爛綺羅泣聲抽恨多
莫滴芙蓉池愁傷連
蒂荷

一朶花葉飛一枝無光彩
美人惜花心但願春
長在

陳羽

句闕

許渾

水聲東注市朝變山勢北來官殿高

草生官闕國無主
玉樹後庭花爲誰
何郎翠鳳雙飛去
三十六宮聞玉簫
經年未葬家人散
昨日因齋故吏來
垂釣有深意
望山多遠情

張蕭遠

秦雲寂寂僧還定
盡日無人鹿繞牀
日暮風吹官渡柳
白鴉飛出石頭墻
雙雙白燕入祠堂

及門五人

張陵

句闕

章孝標

明日鑿輿欲向東
守官金翠帶愁紅
九門佳氣已西去
千里花開一夜風

雍陶

句闕

周祚

莫道春花燭照人
愁花未必怯青春
四時風雨沒時節
共保松筠根底塵

袁不約

愁聲秋繞杵寒色碧山歸
送將歡笑去收得寂寥歸

補遺

景審

暮鴉不噪禁城樹衙鼓未殘兵衛秋

圖攷

宜春 袁甯珍 輯

廣大教化主白居易

上入室楊 乘

入室張 祐 羊士諤 元 稹

升堂盧 仝 顧 況 沈亞之

及門費冠卿 皇甫松 殷堯藩

施肩吾 周元範 祝天膺

徐 凝 朱可名 陳 標

童翰卿

白居易字樂天，下邳人。貞元中擢進士第，補校書郎。元和初，對策入等，調盩厔尉，集賢校理，歷翰林學士、江州司馬、忠州、杭州、蘇州刺史，歷遷刑部侍郎。會昌初，以刑部尚書致仕，卒，贈尚書右僕射，諡曰文貞。號醉吟先生，亦稱香山居士。與同年元稹、劉詠號元白，與劉禹錫、劉詠號劉白。長慶集二十卷，後集十七卷，別集補遺二卷。

楊乘，馮翊人。發之子。大中初，登進士第，終殿中侍御史。發兄弟四人，與諸羣從皆以文學登高第，時號修行楊家。

張祐字承吉清河人以官詞得名長慶中令狐楚表薦之不報辟諸侯府多不合自劾去嘗客淮南愛丹陽曲阿地築室卜隱集十卷

羊士諤泰山人登貞元元年進士第累官宣歙巡官元和初拜監察御史坐誣李吉甫出爲資州刺史詩一卷

元稹字微之河南河內人幼孤母鄭賢而文親授書傳舉明經書判入等補校書郎元和初制策第一除左拾遺歷監察御史累官承旨學士進工部侍郎同平章事未幾罷相出爲同州刺史太和初

入爲尙書兼鄂州刺史武昌軍節度使卒贈尙書
楨自少與白居易倡和當時言詩者稱元白號爲
元和體其集與居易同名長慶二十八卷

盧仝范陽人隱少室山自號玉川子徵諫議不起
韓愈爲河南令愛其詩厚禮之後因宿王涯第罹
甘露之禍詩三卷

顧況字逋翁工詩詞兼善小筆志尙疎逸時宰欲
以好官命之不就後吳中言得道解去子非能登
第有詩名

沈亞之字下賢吳興人元和十年登第終郢州掾

集九卷

費冠卿字子軍池州人元和登第母卒嘆曰干祿
養親得祿而親喪何以祿爲遂隱池州九華山長
慶中殿院李修行舉其孝節召拜右拾遺不赴集

一卷

皇甫松新安人湜之子自號檀欒子

殷堯藩蘇州嘉興人元和中登進士第辟李翱長
沙幕府加監察御史又嘗爲永樂令詩一卷

施肩吾字希聖洪州人元和十年登第隱洪州之
西山爲詩奇麗西山集十卷

周元範

一作光範

句曲人

祝天膺

一作元膺

句曲人與段成式同時

徐凝睦州人元和中官至侍郎

朱可名越州人會昌進士及第終長安令

陳標長慶二年登進士第終侍御史

童翰卿大中咸通間人

高古與逸主孟雲卿

上入室韋應物

入室李

賀

杜

牧

李

餘

劉

猛

李

涉

胡幽貞

升堂李 觀 賈 馳 李宣古 曹 鄴

劉 駕 孟 遲

及門陳 潤 韋楚老

孟雲卿河南人

一作武昌人

登進士第爲校書郎與杜

甫元結友

韋應物京兆長安人少以三衛郎事明皇晚更折節讀書歷任滁州江州蘇州刺史性高潔所在焚香掃地而坐唯顧況劉長卿邱丹秦系皎然之儔得廁賓客與之酬唱其詩閒澹簡遠人比之陶潛稱陶韋云集十卷

李賀字長吉系出鄭王後七歲能辭章韓愈皇甫湜始聞未信過其家使賀賦詩援筆輒就自目曰高軒過二人大驚自是有名賀每旦出騎弱馬從小奚奴背古錦囊遇所得書投囊中及暮歸足成之率爲常以父名晉肅不肯舉進士詩尙奇詭絕去畦徑當時無能效者樂府數十篇雲韶諸工皆合之絃管仕爲協律卒年二十七詩四卷外集一卷杜牧字牧之京兆萬年人太和二年擢進士第復舉賢良方正沈傳師表爲江西團練府巡官又爲牛僧孺淮南節度府掌書記擢監察御史歷黃池

睦三州刺史復爲湖州刺史踰年拜考功郎中知制誥遷中書舍人牧剛直有奇節不爲齷齪小謹論列大事指陳利病尤切其詩情致豪邁人號爲小杜以別甫云樊川詩四卷外集一卷別集一卷李餘蜀人工樂府登長慶三年進士第

劉猛梁州進士與元稹同時

李涉洛陽人初與弟渤同隱廬山後應陳許辟憲宗時爲太子通事舍人尋謫峽州司倉參軍太和中爲太學博士復流康州自號清溪子集二卷胡幽貞四明人自號無生居士

李觀字元賓趙州人貞元八年進士宏詞擢第授太子校書郎集三卷

賈馳與曹鄴同時

李宣古字垂後會昌三年進士第

曹鄴字業之一作鄴桂州人登大中進士第由太平

幕府遷太常博士歷洋州刺史詩二卷

劉駕字司南江東人登大中進士第官國子博士

孟遲字遲之一作升平昌人登會昌五年進士第

陳潤大歷間人終坊州郿城縣令

韋一作常楚老長慶進士官拾遺

清奇雅正主李益

上入室蘇郁

入室劉畋僧清塞盧休于鵠

楊洵美張籍楊巨源楊敬之

僧無可姚合

升堂方干馬戴任蕃賈島

厲元項斯薛壽

及門僧良父潘誠于武陵

詹雄衛準僧志定

喻鳧朱慶餘

李益字君虞姑臧人大曆四年登進士第授鄭縣尉久不調益不得意北遊河朔幽州劉濟辟爲從事嘗與濟詩有怨望語憲宗時召爲祕書少監集賢殿學士自負才地多所凌忽爲衆不容諫官舉其幽州詩句降居散秩俄復用爲祕書監太和初以禮部尙書致仕卒益長于歌詩貞元末與宗人李賀齊名每作一篇教坊樂人以賂求取唱爲供奉歌辭其征人歌早行篇好事畫爲屏障集一卷蘇郁貞元元和間詩人

劉畋唐末人

僧清塞卽周賀字南卿東洛人初爲浮屠名清塞
杭州太守姚合愛其詩加以冠巾改名賀詩一卷
盧休

于鵠大歷貞元間詩人也隱居漢陽嘗爲諸府從
事集一卷

楊洵美登寶歷元年進士第終監察御史

張籍字文昌蘇州吳人或曰和州烏江人貞元十
五年登進士第歷水部員外郎主客郎中當時有
名士皆與游而韓愈尤重之籍爲詩長于樂府多
警句仕終國子司業詩集七卷

楊巨源字景山河中人貞元五年擢進士第爲張
宏靖從事由祕書郎歷鳳翔少尹國子司業年七
十致仕歸時宰白以爲河中少尹食祿終身集五
卷

楊敬之字茂孝元和初登進士累擢屯田戶部二
郎中坐李宗閔黨貶連州刺史文宗向儒術以敬
之爲國子祭酒

僧無可范陽人姓賈氏島從弟居天仙寺詩名亦
與島齊集一卷

姚合陝州硤石人宰相崇曾孫登元和進士第授

武功主簿累官監察御史荆杭二州刺史陝虢觀
察使開成末終祕書監與馬戴費冠卿殷堯藩張
籍遊李頻師之合詩名重於時人稱姚武功云詩
七卷

方干字雄飛新定人徐凝一見器之授以詩律始
舉進士謁錢塘守姚合合視其貌陋甚卑之坐定
覽卷乃駭目變容館之數日登山臨水無不與焉
咸通中一舉不得志遂遯會稽漁於鑑湖太守王
龜以其抗直宜在諫署欲薦之不果干自咸通得
名迄文德江之南無有及者歿後十餘年宰臣張

文蔚奏名儒不第者五人請賜一官以慰其魂干其一也後進私謚曰元英先生門人楊奐與釋子居遠收得詩三百七十餘篇集十卷

馬戴字虞臣會昌四年進士第宣宗太中初太原李司空辟掌書記以正言被斥爲龍陽尉懿宗咸通末佐大同軍幕終太學博士詩集一卷

任蕃一作翻唐末人詩集一卷

賈島字浪一作間仙范陽人初爲浮屠名無本來東

都時洛陽令禁僧午後不得出島爲詩自傷韓愈憐之因教以爲文遂去浮屠舉進士詩思入僻當

其苦吟雖逢公卿貴人不之覺也累舉不中第文
宗時坐飛謗貶長江主簿會昌初以普州司倉參
軍遷司戶未受命卒有長江集十卷小集三卷

厲元登太和二年進士第官終侍御史姚合同時
人

項斯字子遷江東人會昌四年擢第終丹徒尉詩
一卷

薛壽

按卽薛
濤之訛

字洪度本長安良家女隨父宦流落

蜀中遂入樂籍辯慧工詩有林下風致韋臯鎮蜀
召令侍酒賦詩稱爲女校書出人幕府歷事十一

鎮皆以詩受知暮年屏居浣花溪著女冠服好製
松花小箋號薛濤箋有洪度集一卷

僧良父太中時僧

潘誠

一作咸

與喻鳧同時集一卷

于武陵會昌時人詩一卷

通考太中進士

詹雄字伯鎮福州人不第終

衛準

一作單

大歷五年進士

僧志定

喻鳧毘陵人登開成五年進士第終烏程尉詩一

卷

朱慶餘名可久以字行城州人受知于張籍登寶
歷進士第詩二卷

清奇僻苦主孟 郊

上入室陳 陶 周 朴

及門劉得仁 李溟

孟郊字東野湖州武康人少隱嵩山性介少諧合
韓愈一見爲忘形交年五十得進士第調溧陽尉
鄭餘慶鎮興元奏爲參謀卒張籍私謚曰貞曜先
生郊爲詩有理致最爲愈所稱然思苦奇澁李觀
亦論其詩曰高處在古無上平處下顧二謝云集

十卷

陳陶字嵩伯嶺南人

一云鄱陽一云劍浦

大中時遊學長安

南唐昇元中隱洪州西山後不知所終詩十卷

周朴字大朴吳興人避地福州寄食烏石山僧寺

黃巢寇閩欲降之朴不從遂見害詩一卷

劉得仁貴主之子長慶中卽以詩名厯開成太中

二朝昆弟皆顯而得仁出入舉場三十年卒無成

李溟與賈島同時

博解宏拔主鮑 溶

上入室李羣玉

入室司馬退之

張爲

鮑溶字德源元和進士第與韓愈李正封孟郊友善集五卷

李羣玉字文山澧州人性曠逸赴舉一上而止惟以吟咏自適裴休觀察湖南延致之及爲相以詩論薦授宏文館校書郎未幾乞假歸卒集三卷後集五卷

司馬退之開元中道士

張爲唐末袁州詩人與周朴齊名如到處卽閉戶

逢君方展眉最有詩稱詩一卷主客圖一卷

瓌奇美麗主武元衡

上入室劉禹錫

入室趙嘏 長孫佐輔 曹唐

升堂盧頻 陳羽 許渾 張蕭遠

及門張陵 章孝標 雍陶

周祚 袁不約

武元衡字伯蒼河南猴氏人建中四年登進士第
累辟使府至監察御史累官戶部侍郎元和三年
拜門下侍郎平章事尋出爲劍南節度使八年徵

遷秉政早朝爲盜所害贈司徒謚忠愍臨淮集十

卷

劉禹錫字夢得彭城人貞元九年擢進士第登博
學宏詞科從事淮南幕府入爲監察御史轉屯田
員外郎判度支鹽鐵案叔文敗坐貶連州刺史在
道貶朗州司馬居十年召還復出刺播州裴度以
母老爲言改連州累遷太子賓客分司禹錫素善
詩晚節尤精不幸坐廢偃蹇寡所合乃以文章自
適與白居易酬復頗多居易嘗叙其詩爲詩豪又
言其詩在處應有神物護持其爲名流推重如此

會昌時加檢校禮部尙書卒年七十二贈戶部尙書詩集十八卷

趙嘏字承祐山陽人會昌二年登進士第太中間仕至渭南尉卒嘏爲詩瞻美多興味杜牧常愛其長笛一聲人倚樓之句吟嘆不已人因目爲趙倚樓有渭南集三卷編年詩二卷

長孫佐輔德宗時人弟公輔吉州刺史往依焉詩號古調集

曹唐字堯賓桂州人初爲道士後舉進士不第咸通中累爲使府從事詩三卷

盧頌唐末人

陳羽江東人登貞元進士第歷官樂宮尉佐

許渾字用晦丹陽人故相圉帥之後太和六年進士第爲當塗太平二縣令以病免起潤州司馬太中三年爲監察御史歷虞部員外郎睦郢二州刺史潤州有丁卯橋渾別墅在焉因以名其集集二卷

張蕭遠元和進士登第籍之弟也

張陵

章孝標桐廬人登元和十四年進士第除祕書省

正字太和中試大理評事詩一卷

雍陶字國鈞成都人太和間第進士太中八年自國子毛詩博士出刺簡州

周祚唐末進士

袁不約字還朴長慶三年進士第李固言在成都辟爲幕官加檢校侍郎詩一卷

補附

景審南陽人長慶中有善書名

右主客圖舊有函海鏡煙堂兩本但注詩題及字句異同於圖中所列八十三人皆無攷唯袁氏此本未附圖考一卷詳載諸賢爵里與他本不同故刻而存之使與呂氏江西詩社宗派圖並傳然頗恨張爲於江西只收施肩吾一家鄭谷盧肇在唐時頗負重名且與爲同郡皆沒而不著獨附已名於博解宏拔之中所見殊隘知不足齋收刻呂作而不及此圖其以此歟辛酉五月新昌胡思敬跋